

suspendatur aut auferatur, vel etiamsi publicum maneat praeconium, variae simul seductiones se exerant, nostra perinde ut prisca tempora docent: adeoque potius ad ipsam *oeconomiam DEI praesentem*, ipsique *semper receptam*, spectat, ut populum etiam suum, adeoque gentes particulatim spectatas, ob contemptum contumacem puniat satis severe. Quid vero haec ad figmenta Fanatica, ubi excogitatur *abolitio universae oeconomiae praesentis* in omnibus *statibus gentibusque*, *mutatio* in faciem longe aliam, & quidem meliorem, idque praeviis & intercedentibus *revelationibus immediatis* varii generis a DEI ipsius ore pronunciatis, quae omnia ex verbo DEI prius probari oportebat?

POSITIO III.

Nec minus arroganter ad novam Oeconomiam DEI expediendam novi Fanatici vocationem divinam eamque extraordinariam speciatim ad praedicandam poenitentiam sibi praesumunt.

EX. I.

I.

Plerisque Fanaticis in usu est, ut *singularem vocationem coelitus sibi datam* affectent, & instar Simiarum, Prophetarum tergiversationem & *impulsum coelestem* animos flectentem imitari cupiant, Fulse de hoc negotio dudum egit prudentissimus Theologus J. C. DIETERICVS in Lib. Sapient. C. VII. p. 849. ubi scribit: *Solche Gern-Propheten unterfangen sich freventlich thörichte Weise gewisse Prophezen von dem Jüngsten Tage / von Veränderung des Röm. Reichs / und Anfang eines neuen tausendjährigen Gnaden-Reichs /*